

Na osnovu člana 7. i 8. Zakona o ministarskim, vladinim i drugim imenovanjima Federacije BiH ("Službene novine Federacije BiH", br. 12/03, 34/03 i 65/13), člana 12. Zakona o javnim preduzećima u Federaciji BiH ("Službene novine Federacije BiH", br. 8/05, 81/08, 22/09 i 109/12), člana 257. tačka f) Zakona o privrednim društvima ("Službene novine Federacije BiH", br. 81/15 i 75/2021), člana 10. (10.2.) Statuta Javnog komunalnog preduzeća d.o.o. Vareš, br. 790-12/16 od 06.12.2016. i 172-03/20 od 19.03.2020. godine, Odluke Nadzornog odbora o raspisivanju konkursa za izbor i imenovanje direktora JKP d.o.o. Vareš, br. 565-10/23 od 19.10.2023. godine, Nadzorni odbor JKP d.o.o. Vareš raspisuje

K O N K U R S
ZA IZBOR I IMENOVANJE DIREKTORA
JAVNOG KOMUNALNOG PREDUZEĆA d.o.o. VAREŠ

I. Raspisuje se konkurs za izbor i imenovanje direktora Javnog komunalnog preduzeća d.o.o. Vareš, na mandatni period u trajanju od 4 (četiri) godine.

II. Opis poslova direktora:

- organizacija i vođenje poslova preduzeća,
- izvještavanje Nadzornog odbora preduzeća na zahtjev Nadzornog odbora,
- provedba Statuta i Etičkog kodeksa,
- izrada i nadgledanje realizacije plana poslovanja,
- izrada provedbenih propisa za postupak nabavki,
- priprema prijedloga o raspodjeli dobiti,
- zapošljavanje i otpuštanje radnika u skladu s postupcima utvrđenim u Pravilniku o radu, te važećim zakonima,
- zastupanje preduzeća prema trećim licima,
- staranje i odgovornost za zakonitost rada preduzeća,
- obezbjeđenje postupanja svih odgovornih lica u skladu s Etičkim kodeksom, tako što će se protiv lica koja krše navedeni kodeks provesti disciplinski postupak,
- drugi poslovi neophodni za nesmetano odvijanje organizacije i vođenja poslovanja preduzeća.

Položaj, ovlaštenja, odgovornosti i prava direktora regulisani su Statutom preduzeća, a uređuju se ugovorom između Nadzornog odbora i direktora.

III. Kandidat koji se prijavljuje na poziciju iz tačke I. ovog konkursa mora ispunjavati sljedeće uvjete:

a) Opći uvjeti:

- 1) da je državljanin BiH,
- 2) da je stariji od 18 godina i da nije stariji od 65 godina na dan imenovanja,
- 3) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije dana objave konkursa,
- 4) da nije pod optužnicom Međunarodnog suda za ratne zločine u bivšoj Jugoslaviji (član IX. 1. Ustava Bosne i Hercegovine),

- 5) da nije osuđivan za krivična djela i za privredni prijestup nespojive s dužnošću direktora 5 (pet) godina od dana pravosnažnosti presude, isključujući vrijeme zatvorske kazne,
- 6) da nije lice kojem je presudom suda zabranjeno obavljanje aktivnosti u nadležnosti Uprave,
- 7) da nije na funkciji u političkoj stranci,
- 8) da nije član organa zakonodavne, izvršne ili sudske vlasti ili savjetnik u smislu odredbi Zakona o sukobu interesa u organima vlasti u Federaciji BiH,
- 9) da ne podliježe ograničenjima iz člana 252. stav (1) Zakona o privrednim društvima,
- 10) da nema privatni finansijski interes u javnom preduzeću u kojem se kandiduje.

b) Posebni uvjeti:

- 1) da ima završenu visoku stručnu spremu (VSS) sa najmanje pet godina radnog iskustva na rukovodećim poslovima,
- 2) da ponudi plan i program rada preduzeća za mandatni period na koji se imenuje,
- 3) da ima certifikat o završenom stručnom usavršavanju u skladu sa Uredbom o usavršavanju predsjednika i članova nadzornih odbora i uprava privrednih društava sa učešćem državnog kapitala ("Službene novine Federacije BiH", broj: 71/09, 33/10, 23/11, 83/11, 2/13, 80/13, 48/15, 60/16, 88/17 i 19/22);
Kandidat koji ne posjeduje navedeni certifikat uz prijavu prilaže ovjerenu izjavu kod nadležnog organa kojom se obavezuje da će u roku od 6 (šest) mjeseci proći stručno usavršavanje i steći certifikat o stručnom usavršavanju;
- 4) organizacijske sposobnosti i stručna znanja iz djelatnosti preduzeća i upućenost u sadržaj i način rada organa upravljanja privrednih društava (provjera putem intervjua).

IV. Uz prijavu na konkurs, kandidati su dužni dostaviti:

1. kraću biografiju, adresu i kontakt telefon,
2. uvjerenje o državljanstvu,
3. izvod iz matične knjige rođenih,
4. dokaz o stručnoj spremi,
5. dokaz o radnom iskustvu,
6. izjave o činjenicama navedenim u tačkama 3), 4), 7), 8), 9) i 10) Općih uvjeta Konkursa, potpisane od strane kandidata i ovjerene od strane nadležnog organa,
7. certifikat o završenom usavršavanju ili Izjavu ovjerenu od strane nadležnog organa iz tačke 3) Posebnih uvjeta konkursa,
8. plan i program rada preduzeća u mandatnom periodu.

Dokumenti dostavljeni uz prijavu moraju biti originali ili ovjerene kopije, ne starije od 3 mjeseca. Dokaze o ispunjavanju uvjeta iz tačke 5) i 6) Općih uvjeta konkursa, za kandidata koji bude izabran na poziciju direktora, JKP d.o.o. Vareš će pribaviti po službenoj dužnosti.

Kandidat koji bude izabran obavezan je prije stupanja na dužnost direktora dostaviti uvjerenje o radnoj sposobnosti (ljekarsko uvjerenje) ne starije od 6 mjeseci.

- V. Komisija za izbor direktora JKP d.o.o. Vareš će izvršiti pregled prijave kandidata, sastaviti listu s uži izborom najboljih kandidata koji ispunjavaju kriterije za imenovanje, pozvati sve kandidate koji su ušli u uži izbor na intervju i predložiti Nadzornom odboru rang-listu s najboljim kandidatima na daljnje razmatranje.

Nadzorni odbor većinom glasova donosi odluku o konačnom imenovanju direktora koja se objavljuje u "Službenim novinama Federacije BiH".

Konkurs će biti objavljen u "Službenim novinama Federacije BiH", "Oslobođenju", na službenoj stranici Općine Vareš i na oglasnoj ploči JKP d.o.o. Vareš, a rok za podnošenje prijave kandidata je 15 (petnaest) dana od dana posljednjeg objavljivanja.

- VI. Prijave se podnose na adresu:

JAVNO KOMUNALNO PREDUZEĆE d.o.o. VAREŠ, Put mira 33, 71330 Vareš, s naznakom:
"Prijava na konkurs za izbor i imenovanje direktora - ne otvarati, otvara Komisija za izbor".

Dostavljena dokumentacija neće se vraćati kandidatima.

Nepotpune i neblagovremene prijave neće se razmatrati.

Predsjednik Nadzornog odbora

Leon Pavlović, s.r.